

清水
日史

十三日甲午晴○辦察官玄昔運來見○昨年則彼使供饋
使各貢人進排今番則使辦察官受軋隨所入備給云

十四日乙未晴寒○差備官高永喜來見高昨年五月修信使
時差軋糧官往還者而今番差掌務官

十五日丙申晴寒○早朝捻戎廳旗手十名來待依昨年例
也即為退送使之待令于伴接所

十六日丁酉晴○高永喜白善鑪出清水館歷路來見

十七日戊戌晴○未刻辦察官出館所歷見語及待彼人節次

清水日史

丁丑十月十二日癸巳早雨霏晚止○議政府啓曰日本外務大
丞花房義實湖南開港地方測水後上京云矣開港處指點雖
有其約通商事駐京既無所許故自萊府連加開諭而彼人期
願上來續好之地亦難牢拒凡干接應之節令各衙門叅酌昨
年例施行禮曹叅判洪祐昌伴接官差下通津府使李奎遠金
浦郡守李重允陽川縣監李敏善并迎接官差下以為替站護
行之地回歸時仍兼護送官之意并為分付何如

傳曰允

十八日己亥陰○飯后出伴接所看檢清水館鋪陳及防守等節
日晡而還

十九日庚子朝雨晚晴○午刻以平服出住伴接所○伴接所書吏等來見本曹執吏金禧演戶曹金弘基兵曹孫德模京兆卞基弘本曹朴是英李在玉吳振漢金光鉉兵曹安英植李寅昌書寫戶曹張泓植○摠戎廳軍牢十名來待通直依昨年例○申時彼使傳語官往永等二人車卜七輛自楊花津入來駐館所饋酒物次饋夕飭

二十日辛丑晴○丑時傳語官一人及從者三人乘轎子車卜三輛入來

二十一日壬寅朝霧仍晴○晡時代理公使花房義實來四人轎隨貧外務二等屬副田節四等屬浦瀨裕五等屬山之城祐長八等屬大井敬太郎陸軍小尉海津三雄十三等出仕下村修

介外務等外一等益戶吉明同等外三等金井孝衛小使鈴木
金太郎石井七三郎從者高雄弼艦長海軍少佐牧盛道書記
石幡貞或乘轎或騎馬入留館所饋酒饌海軍之落留艇所仁
者未詳其數○彼人供饋自度反來設廚房○昏後車卜三輛
來到○差備官堂上韓文奎吳致默李熙聞玄昔運時辦堂下
金東善高永喜掌務韓應參白善鏞朴齊銑高永鐸

二十二日癸卯晴○見石幡貞書

八月十日華書我十月十五日接到回得審 玉京復命忝恩
資思企德儀是宜當之事而僕慶賀之尤切即可速致書以時
戒行握手在近故未敢芥也斷猿孤方今果來望紫微青雲飲
喜實出于望外則聽僕親上堂伸慶乎否刻日待報近藤訥軒

依舊平安猶管理釜山港殷勤為致意格庵詞伯代承後處事
精確貴國真多人哉公餘又曾訂雅盟與貴下在任之時無異
草余惓惓恨無與之也來書目僕為玉水翁私淑不知翁為何
人其行事年代如何請勿吝指示餘在面悉敬具云、援未即
答

平朝具時服乘輅直入館所彼使花房與石幡住永副田山之
城浦瀨并座花房石幡欣然出迎余在萊府時面熟者也寒暄
畢饋余茶酒示以親密余亦如是答之○花房辟人只留浦瀨
而語曰今行為定開港處而屏人之意以親熟之致為私談故
也仍曰北道則已有心定處矣

答曰理事官條約時已定北青有何更定乎

彼曰不然貴國雖曰定之理事官則觀其指點處後牢定之意
爲言矣北青艇泊處水淺出入甚難故俺國則定於文川地清
川矣湖南則心欲觀扶安沃溝等地而今行值風不利未見而
來矣大抵開港擇定巖風向陽處而珍島果難開港將欲更觀
扶沃及湖西等地爲定南陽江華等地當初心中有意今來測
水則難以容艇故破計也

答曰我朝已與理事官相約以珍島北青今忽此言大違前
約我朝必不許施兩國和好之時勿爲相持

彼曰此則彼此親熟故先以此言來日公幹時更言之也

彼又曰今行聞湖南多餓殍云蓋緣大侵而然也昨年理事官
及俺以請穀事對閣下屢言俺故時又托管理官而貴國終不

請穀見今和好之日無乃外待乎

荅曰豈有是也昨年見公已陳不然之端卽衷曲也今年貴國大登我國大歉致有此說而所謂衷曲者非他也我國若以貴穀濟活飢民目下救急而日後貴國值歉則我國無以此例償之故我朝不爲副施良有以也

彼曰此大不然我國雖歉四方多有移粟之國必不請貴穀貴國亦不必以穀償穀代以棉布棉花等物無妨

荅曰盛意雖感此則行之不得且屬往事不必拖長

彼曰鄙邦以薩摩州事一經騷擾今姑安帖尚有餘戎其在親密之地有此密告○余謂花房曰館門禁雜亦規度也余當禁我人之入公亦禁後者之出花房曰當如教矣卽還伴所造木

牌署而國之各授使役之出入者以嚴其規

申刻武衛所別付料奉 標信口傳館門出入禁雜之

教蓋禁斷我人之攔入彼人之攔出也○彼書契中慮或有拘碍

文字故使掌務官高永喜謄來其草本

大日本國外務卿寺島宗則謹致書

大朝鮮國禮曹判書趙寧夏閣下茲我政府遵曩日所議立和

約卽任花房義質以代理公使前往 貴國該負性素敦敏當

事能辦定應適其任足使兩國和好益固望 貴政府幸爲諒

之而至兩國交際一切事務總與該負善爲商酌倘有所陳請

則賜聽納爲此顙祝兩國平安順頌台祉不宣云々○晡時卽

答石幡書

書未暇謝馳往接面古人所謂書不如面果準備語也我國退
溪先生道學德業想已稔聞矣玉水翁分類退溪金書體裁間
架與小學編同我東學者聞而欽之知玉水翁為貴國文學高
士久矣年代雖未詳而似在百有年前餘明奉不戢

二十三日甲辰陰寒雪乍作乍止○午強具公服乘輶列前排領
公使及隨員六從者一公使乘四人輜張雙兩傘有前排隨員
乘轎從者與東萊通事騎馬諸譯學或公服或天翼同入春曹
讌會諸員本曹判書趙寧夏政府堂上趙寅熙本曹叅議李在
敬也彼使小憇卽廳所肆宴席於大廳設交椅於南北公使呈
書契傳語官浦瀨裕奉書契跪進置于卓上公使出示別錄一
紙乃行中沿路地方官姓名也所見書契見上

禮判問曰昨年理事官講約時以交聘外勿爲訖使往來使館
必由通津之意屢回商論曾有理事官手錄且將此二件添載
條款之意至有禮曹別書契換送者而尚無回答書契故認以
歸正矣今番訖使果是未料之事而書契亦無所答甚訝感安
有理事官手錄本曹別書契之意乎

彼曰此等事俺果稔知而自外務省委之於我以爲備告兩條
之所不然故書契中微有所陳云

答曰來使雖云將有所陳書契初無舉論誠欠事體也

彼曰所教切當每書不盡意故替我詳陳而然也

答曰兩件事不可無歸正則從當更有詳論而今來書契却之
未安姑爲照受也

請公使入房示以禮判以下名帖更請出座面。接話設樂各進酒麵床樂止進初味樂作壓進二味樂作響進三味樂作舞通禮院書吏二名讀笏記公使酢進一酌於禮判飲啐禮判亦酬一酌於公使亦飲啐撤卓禮畢余領公使如來儀出崇禮門還住館所日已暮矣

余在萊府時東嶽石幡頁多有唱酬而今從使來不無示意構一律以贈

清水館深闌小春初筵歡笑舊緣同黃花老屋相思夢碧海長風遠渡人往跡須看星散地此時又接月明隣知應逢處為離處多苦浮生擾々塵

花房眠雲公使亦熟面也并寄一律

茫：晉楚故情多十月滄溟萬里接金浦官門催曉角楊花渡
口聽昏鴉試看泉石如斯已閱盡風霜總若何殘燭寒白梅下
夢邨堪夜：到君家

度充厨供撤罷朝夕之饋從彼人所請只給饌物而隨所求自
地部進排

二十四日乙巳晴○宴饗後回公文字任譯不卽舉行自 政府
施以削籍高永鐸白善鏞朴齊銑改差代尹亨燮韓教明卞奉
植李一善

受書契後繼有公幹云公幹講修官事也余以伴接有難冒當
書稟首揆丈

昨年有修好之事故差講修官有接待之節故差伴接官各任

其職責而今番則以外樣視之似無更修之事官只伴接而已
昨日禮判問荅彼曰書不盡意替以詳陳云未知何事而必有
公幹矣小人以伴接之啣仍冒講修之職自任公幹則恐涉越
俎之嫌茲以伏達諒燭下教以便公私為彼人請自今以後伴
接出入以平服為好云伏未知如何公使有書云我海軍士官
有時來往本使旅館望飭令沿路郡縣無有妨碍矣故并仰稟
云々

首揔丈荅書今若有公幹則伴接官公幹少無嫌也今又更出
講修名色則聽聞似有事端也彼之今來改說之事曾未所料
則何可更出他名色啣耶伴接官公幹少無如何矣彼人所請
往來沿路無碍事既有昨年初矣今方分付於畿營而平服出

入有難者卽是奉命之地也況有損貞操答以奉命所重如何
○申刻 政府公文來到

今番有公幹之事便宜勾檢者○皮封書伴接官開拆
彼使花房呈禮曹判書書

謹啓者本使承委如別記則近日當要面議望擇定日期以報
之茲副委卑譯漢文謄本知照爲敬具○明治十年十一月廿
八日○代理公使花房義質○禮曹判書趙寧夏閣下

譯漢文謄本○代理公使花房義質

卿須遵日本曆明治九年二月廿六日朝鮮曆丙子二月初二
日在江華府所議定修好條規第五款議于彼政府指定地名
令其開港口若夫諸定規則據修好條規附錄第三款而議立

可也○明治十年九月十九日○外務卿寺島宗則

二十五日丙午晴○彼人昨年身死二人埋於永宗地而今彼使
欲表其所埋處請以碑石長三尺跌高九寸三個示以圖樣以
此意書達揆地○石幡和章來到

幾回載筆且尋春湖海自疑舊有回神契異邦忌為客天緣各
地遇斯人一朝燕語往來節千里鷄聲遠近隣能使韶風和氣
在他時硯海不留塵

走吟五律寄石幡

峨洋琴數尺舊曲正堪聞有和皆為雪無持可贈雲江山入易
老天地路多分東望還招悵綠楊亭樹曛

公使花房請如昨年例率隨員二人登覽館後山麓少頃還入

送釜山草梁館所去書一封要以信傳故緣由并使差備官分
撥各處

浦瀨裕傳言公使將邀春曹三堂上設酌而欲躬往市賀以渠
私力不得挽止若有伴接官隱映游辭則渠亦在傍防塞云故
不獲已入見公使開諭以體負損失公使憮然曰當如教矣其
性燥可見也

二十六日丁未朝晴晚陰○彼請碑石事慮有後弊而且有首揆
史難施之教故先使辦察官善辭諭之姑寢其請

水原甕浦沙格林子善舟中有狗皮二張彼人見而欲之以珊瑚
一不過一寸相換事入廉至有畿營上司押送伴接所故林漢
巖棍十度放釋珊瑚出給差備所使之完璧于彼

彼使來時遇風浪於水原古湍浦甚危急時留相金炳地送人
救護矣彼使不勝感激以書一度麵一橫南州二斤烟草三斤
楮紙三束要以轉致故傳付畿營

浦瀨先見禮曹回文謂有碍眼處處公使不受改辭為宜云故
更報春曹○彼使邀見暫入旋還

申刻武衛所別付料奉 標信口傳館門禁辟申飭之

教○武衛執事禁衛執事以私接彼人事入別廡自

上汰去仍為口傳 下教曰無論我人誰某攔入館所私自接語
及彼人出入時如有侵戲凌侮者一并捉治○鍾浚春曹回文
出來

來意承詳如有公幹伴接官以本曹叅判當為勾檢稟定於政

府而商酌矣。庶可深諒。謹此謝復。○即使差備官傳于公使。○
雨聲連曙

二十七日戊申朝陰靄飛。○以彼使傳書草梁館事發關於萊府。
○午強與辦察官入館所。彼使出迎。座定傳語官浦瀨獨在傍。
彼使請公幹禮曰。閣下以禮曹叅判為公幹。白檢云。約書交鈐。
亦至之耶。

余荅曰。然也。

彼曰。俺之今行備陳於書契中。公果領會否。

荅曰。兩國修好守約一也。聘使二也。往年理事官與講修官約。
交聘以外。頻勿派使。一船來泊。必於通津。竟有理事官手錄。且
有本曹別書契。而尚無實事。派送之回報。今者之來。得無損於

信而違其約乎

彼慨然曰誠如所教書不盡意已悉於禮曹書契此俺所以委
來面陳且修好條規第五款附錄第三款約雖成事未決故專
為面議公只發此端第當詳言也別書契事非無理事官之分
明致書講修官所答似有所未及詳察也答書契豈不欲速修
恐又有書不盡達之慮替我詳陳也

答曰隨事隨議有問有答何如是煩說乎

彼曰見今天下各國約以交好則公使相詒往來相望開示情
誼極修親睦方可謂交隣之厚貴國與樊邦復修舊好詒使相
送載於修好條規第二款矣昨年輕事官縱有手錄固不能擅
斷及其故國亦不能變通致書于講修官矣且以殷泊處言之

將有三處之開港則亦不無卽其地發行故亦難指定一處此
所以我政府申複言之也

余歛容而荅曰他國之規自是其規我國經例不得不依別
書契故正也

彼曰俺之所陳終未怨燭自為閭苑二處開港之期已迫事係
重大必於此行牢定而巧值風浪未見便宜處又不可斷然確
定咸鏡道文川地豐津松田港可以開請以此地為定全忠兩
道勢不得已待明年更為測水而俺之來也外務卿以為全忠
兩道中若未暇詳察港處為先仁富等地姑設一港牢定之前
暫時交易為教故行過其地歷日遍觀竟無合意處而止之然
既承外務卿命也敢此仰聞

答曰兩件事雖至再至三不可聽從而文川卽我 國先寢奉
安之地也不可與議西南兩道將又測水亦涉煩弊惟以珍島
北青為定可也

彼曰此兩處甚不便宜未可舉論也文川地所重今始得聞而
松田在海濱也去所重之地若稍遠則恐無損於事體而他處
則苦無可点必以松田定之甚幸且以一處言之當初五道中
二處許施蓋出於使之擇定之意也今行值風從般往來冗費
多日且慮石炭之不足未能周察測水可謂狼狽大抵開港到
底測水可以的定勢將明年更測而又值石炭之見乏則大事
又狼狽矣將欲於珍島碧波亭及巨文島預為積炭以為繼用
之資

答曰此亦難施假使更測水必議定于萊府可也

彼曰我朝意向雖未預料事甚重大必有如今派使

答曰此則徒事煩弊萬不當也

彼曰我政府措處不可詳揣第以俺之所告諸条善稟 貴政府質定幸甚

答曰顯未當稟于 政府更於晦日回示也

彼曰昨午理事官得見貴國地圖而還呈云日本今國地圖一
帙謹呈 貴政府矣亦賜 貴國地圖否

答曰此亦稟議回報矣

彼曰夜已闌矣語涉反離日後更敘若何

答曰吾意亦然○遂啟伴所謄出幾本分傳各處

鍾浚東嶽寄和章又有一詩

鷗鷺盟不冷
穀詩且報聞
夢通孤館雨
白隔半間雲
楚畹蕙蘭似崑山
玉石分訥堂
定岑寂絕影
對嵐曛

竹籬鷄犬靄斜暉
回首世間一笑非
桃源不許引入去
庾嶺空省放鶴故
日午紫雲仙館閑
日夕蒼靄萬松園
箇中歲月長如許
却恐漢郎竊歎非

走和東嶽寄示韵

蒼々館樹返西暉
坐看浮雲無是非
燭影微明詩適至
鍾穀欲斷客初故
中車尋逕能先拔
裘帶登山却減圍
自笑冷官居靜閒
數椽茅屋掩松扉
聞鷄而宿

二十八日巳酉晴溫○眠雲遺書一函木棉種二封

木棉之用不下五穀 貴國與契邦產之其久矣惟其種不良
其質不精 僕多年有意改良之偶昨年遊悉米利加歷覽產棉
地方得二良種一曰高地棉適於高野一曰海島棉宜濱海島
嶼二種共精質細腴過於我兩國所產而海島棉者更加精細
蓋 貴國全羅忠清沿海島嶼無數若擇其地而播焉耘耨均
宜則未必為無益矣今試贈之請晒收敬具○十二月一日眠
雲再拜○又寄和章來

去事紛紜蹉跎多異鄉又此泛星槎西胡形勢危如許東海連
衡利在何秋雨曠郊橫斷鴈夕陽遠樹宿寒鴉 廟堂幸有賢
名士艱後維新舊國家

木棉種送呈于首揆丈而旋即還送傍有試播者分而與之

走趁五律贈眠雲慰旅懷

遠客聽秋雨襟懷倍覺清
枕泉心澹泊檐鳥語和平
洞邃樓臺靜罇深髻髮明
于時應轉輾晨月上東城

彼海軍士官留住仁川船所者六人入來與公使同處館所請以依昨年例往謁南廟而還

二十九日庚戌早朝雪晡止○彼士官依昨年例往金鷄洞回還

又請謁文廟嚴辭不許彼出示昨年日記曰往年則許以擇日謁見俺們適無暇未往今何牢拒云昨年事余固不知辭不可迫而拒絕又不可擅自許否也彼又請街路上無碍往來乃是和好之誼請稟貴政府云故并書稟揆地○彼海軍非軍卒也乃外務省所屬朝士而護行公使者也花房所常職非外

務省官故不能採東海軍之蹠踉良以此也云

三十日辛亥晴朗○平朝通事來傳公使語曰海軍今方還出艀所而以不得遊覽慮有愠意使覘金鷄洞而直向艀所何如云故即使通事車行仍領送其艀所

日前花房石幡兩詩句語頗陰險其曰西胡者似指西洋也形勢危如許者恐動我也東海者彼自稱也連衡利在何者指其交好之利全在我而自伐其功者也石詩云桃源不許引人者指我國不許他國人任意往來也蒼靄萬松圍者譬其把守禁闌也渙郎竊歎靡者指我國雖僻恐有外人竊窺也此不足與歎之而又不可無答

連衡說答花房

天下多辯說古今尚縱衡抵掌談是非九霄與千坑
徒紛紜終難輸一枰萬金紆籌策交好云和平趙魏
宜急困晉楚寧渝盟西胡卹肯數東隣有舊情莫言
滄海濶一葦直路程金石曩永久冠蓋約送迎人心
較長短我髮老後營但願東西國安樂濟衆生

桃源引卷石幃

古有荒唐說何處是桃源聞道晉代人漁至武陵
村姓名與衣服近古其俗敦漁卽眼生疎謾擬秦
漢論浪傳編葦網盛說脫粟飧世人聞而喜知有
別乾坤漁舟應識路柯為不辨言仙源非別境
桃花流水園無地不種桃處處可名存堪笑漁子
棹春水往來煩

午刻入見花房曰日前公幹諸条已陳事理想應諒會而文川所重自別開港一款不敢舉論也

彼曰設港於其浦定界立標勿令汗漫出入則少無碍於所重地而此外苦無可合處故向所以屢言也何不以此詳稟政府耶

荅曰昨春黑田公幹時以永興為言故荅以 陵寢所奉之地不可許施為言則黑田輒以事體之不敢煩請為荅而止矣今文川所重亦如永興豈可舉議耶

彼曰俺未所解者也兩國和好之後貴我人民視同一般人民尊崇之道亦是一般似無相碍而若是斷許無乃視我人民如異域異類耶

答曰所重自別之地雖我 國人不許廣占商路或有紛爭生
弊之端也非貴我人民之有間也

彼曰俺之此行專為開港而異於黑田辦理之行則文川靳許
之意不可不詳知然後啟報我朝廷矣第以書示之也

答曰當書示而北青珍島素稱大都會昨年以此二處許之必
為牢定可也

彼曰若非文川果無可合更稟政府是所望也青珍雖已詳察
形使不宜於開港且難通船明年測水時計將更察而以若不
合之地不可如教定之也當初五道內擇定之意出於詳察便
否之威念則不得不明年測水後議定也

答曰縱欲更測必無踰於此兩處不可更事測水也明年又將

泚使測水抵京議定云者尤有所不可設有測水議定于萊府可也書契于禮曹可也何必泚使為哉此係兩國煩弊貴朝之意亦然矣

彼曰開港最關大事似不無泚使之舉而惟在我朝處事之如何非俺所可質言也

答曰公使既是代理則此事亦可從便改正而亦難擅便故朝備言事勢以為兩國除弊可也

彼曰當故國詳告而其在朝意莫可預料也

答曰弊關兩國貴朝寧有異見也泚使之只於文聘使般之必由通津已於昨年屢回商量既有理事官手錄且有別書契換送此無非勤念使行遠勞兩國煩弊也此兩件添載條款可謂

相孚之誼也理事官之不副手錄別書契之不為回答誠欠事體此亦趁即改正也

彼曰交際事務隨時派使已載辦理大臣修好條規者而及於理事官附錄講論時雖有故國變通之言實非理事官所可擅便故手錄中以不可遽議而故報我朝回答之意為辭矣及其故朝亦不能變通至有致書於講修官則庶可諒燁其事狀矣俺豈有變通之道哉若以此事舉論則自我國更派辦理大臣貴國特派全權大臣銷刻修好條規第二款然後可以改正條規係是金石之典各國所共知則宗難銷刻而銷刻之前豈有他議哉此所以我國之不能勉副而除弊事俺當故國詳陳然成效與否何敢質言耶

答曰此兩条不可不依別書契故正以此深諒昨日館內諸員以文廟拜謁之意縱有所請此則不可許施也 聖廟卽我國尊崇之地我邦人民亦不敢尋常瞻謁况汗漫遊觀乎此所以不許貴國人等閑往來勿為少嫌也

彼曰交隣之誼兩國人民安往而不可日本亦知尊聖之道則固不敢褻慢之舉而展拜為難則往于近處瞻視而已有何妨於禮貞耶貴國之防塞甚訝惑也

答曰此非有間於貴我人民而然也我國規模自有常度未嘗有外國人往來街路而以大清國使留館三日不出館外亦不為任意出入清人不欲違我國成規亦未嘗強請出入此必貴國之可以稔聞追此觀之從可破惑也

彼曰今以兩情未熟而不許耶

答曰兩情之熟不熟何關於遊覽之許不許耶

彼曰諸般條件所陳並仰稟政府希賜回教

公幹罷還後彼以三件条書送○一謁領議政右議政六曹判
書事○一覲鍊兵弓銳射的演習事○一覲訟庭及獄舍事○
并書送各處

十一月朔日壬子晴○飭后入北巷拜首揆丈右閣丈及黃史閔
輔國丈暫歷家仍夕飭而還伴接所彼三人登館後小岡旋還
館所云

花房送茗壺圖錄及青灣茗壺圖誌各一局而請茗壺圖序
眠雲以言志詩索和

男兒素弘事何休書劍年、伴客愁欲試東洋均勢策片帆又
向漢江頭

卽步以寄

於酒於文兩不休斯翁自是狎無愁茫茫天下何思慮局外山
陰臥白頭

二日癸丑雪霽或作或止○著茗壺圖錄序以副眠雲所請
蓋嘗聞以人比器、奚取爲其形質也方圓也亦視其所盛之
物爲爲器而見用於人亦不可誣蘭田與君之茗壺之謂歟與
君友人眠雲花房氏遺以茗壺圖錄請以弁卷余閱其圖曰潔
哉壺也其取物也芳摩盪而想與君其趣味可知宜乎眠雲與
之友乎眠雲器也其所盛如此壺之茗故愛蘭田之圖錄播諸

遠方此可謂蘭同臭夫余見奧君之友如見奧君奚徒取茗之
芳潔壺之方圓為哉噐乎奧君其見用於人不是恒茶飴也余
亦歲此鬲於茶肆之右敘其說以故之

彼海軍士官并九人自仁川艀所入來同處館所

彼使有私示別錄故謄送各處

一本使奉命未必久駐留貴京城了眼前公事則故國固其所
也故若議事涉紛錯曠日彌久及漢江冰合近海航行危險則
或一朝解還艀船待時氣和暖或本使陸路經釜山而故國等
所預聞念也

一我職制公使例駐留其國然據本使所聞貴國議雖條約所
載日本使臣久駐留亦嫌忌之故本使之來不必要久駐留事

及至結了則先引故我外務卿深洞察貴國內情以權宜善處之意非公使之本分也若夫至世運變遷海陸厄利便益滋與兩國人民往來從以加多則交際事務不復如今日簡省而已其既已人众事繁矣則必卽料外者當是之時每事遣使尙當不堪冗費而况動有致失機壅滯冤屈難伸之弊故互駐留使臣於其京城者卽消弊於未萌冗費於事前伸冤疏滯之道寓焉且夫凡天下之事機變不測故慮之最要機先處之必貴豫謀請試舉其一二餘類推焉今夫有開港場朝鮮人障我害日本日日本人障我害朝鮮人等之事猝起事頗盤錯在該地兩國官貪互有異議不決聽而裁之者誰也冤屈無伸也紛騰無解也勢將至兵力相問當是之時各稟其政府數百千里之遠

徒藉書翰往復以望啟無事此萬莫可有之理縱令倖有之亦
多消費時日無由伸理若或有遷延無妨之事則遣使辦理無
有不可但事要速決不欲淹滯而特為遣使亦以為屬太冗者
將如之何乎凡是等事情篇變不為預救之計立待事端猝起
無乃屬政府怠忽乎預救如何亦在公使駐留而已矣且請今
私公使駐留京要使一二言之貴國與我邦之間有松島即杏
陵島
及我對馬島現有往來魯英艤船所必由之處時或不幸即為
他國人所據則為我兩國妨害不貲於是協力追攘亦既晚矣
此島我兩國之要衝他國原顧亦未可知其不可不防未萌而
急預防也明而况現今有若土耳其國與魯西亞國之戰遽然
聞之雖似邈焉風馬牛不相及而歐洲五大國之互有違言至

英魯交兵亦未可知其或有一朝開戰英艦之直來侵擊魯領
歲隄德者非世所熟慮卽以英艦隊適勝於魯軍備也雖然侵
之不易魯極力備之則英亦願求之於他貴國咸鏡道文川郡
海灣恐為其衝矣今假依各國所注目以該地為英魯必爭之
地是嫁禍於東洋之漸也若然則貴國勿論耳波及對岸我邦
大事斯與矣苟不先機預防則後悔無及不知貴國議今有及
于此否貴國固不乏其人雖然貴國未曾海外諸國通交雖有
其人恐有其策難施者惟以我邦通好有素也未必不難為之
故及今其謀於英魯兩國以貴國約為中立國其港灣為不得
互相侵之地則斯晏然無虞矣計若不出於此不幸一朝有事
惶惶遣使通情不惟不及事而已徒招世疑恠掣肘莫濟時機

乃去矣雖然此是眼前一事卽出於意料外者觸類長爲百般
事故非駐京直捷則不可能爲者不知亦有限許若夫疏壅滯
伸冤屈事簡而成務費省而應機議事不煩簡牘遭變不待特
使者惟有公使駐京一事耳況事變之來不測而機事不密不
成固非尋常書牘可以辯者公使要務旣如是則不可一日不
駐京也雖然此等事非公書之可能悉具備必不敢要具備而
況本使奉命又有不止於此者而若限此一二事特書曰望聽
本使所陳恐亦徒失我兩國之誼故曰交際事務一切與該員
商量推而廣之則除商議開港口之外以貴國爲中立國且辦
明公使留駐要務亦在本使委內矣雖然我外務卿早審貴國
內情者也故命本使不以直駐京以其嫌涉於強迫也是其用

意之深且切唯貴 政府諒察焉

三日甲寅晴○午初入見彼使曰向有書示之托故稟于 政府

有此文字覽可悉也

文字以文川不許
之由書示彼使

彼覽文字曰辨理與理事非為開港而來俺專為定地設港故
文川不許之由欲詳知而曾有所請也

荅曰開港非指某道而言只云南之珍島北之北青而已前不
言文川而今何強請耶文川之說若出於前日已與永興而不
許也珍青兩處果勝於此以為的定也

彼曰俺來時外務卿命以全忠兩道中遍覘可港處而若未詳
察則必於江華地姑先設港移定他處之前暫時交易為教然
煩弊不少故置之而日前私示文字俯覽可悉也

答曰 政府所教豈有他哉乃日前公幹之言也文川所重昭示無餘公使強迫決非待我之道雖一日二日至于一年固不可許也

彼曰雖涉煩屑俺國人亦知尊敬之道與 貴國無異則有何難處事端乎且以永與言之黑田不閑於定港故答以既謂所重則更議云者實非贅言也

答曰 陵寢奉安所重自別尊其所重卽 國家大義也更何有難處之事乎

彼曰然則所重之意可得詳聞歟

答曰我國之規 陵寢所奉之地絕禁場市紛還喧鬧之弊況使開港擾鬧乎

彼曰開港之事豈云凌蔑之事乎開港似無妨於
陵寢所奉地也

答曰惡是何言也我非外待日本之意也所重之地重也開港
之事輕也輕不可以壓重於理當然於事兩便是何說也
彼曰豈不有兩國旣以交隣事成文字者乎

答曰如無交隣好誼則何可議及於開港等事乎

彼曰貴國旣有永世交好之事乎不乎

答曰自昨年更修之後已為長久交好之誼更何言乎

彼曰江華條約之前俺們入京姑捨雖萊府亦不得往來閭下
知否

答曰今則新修條約矣何必以此言也

彼曰若從條約而行之亦不無 貴國規模之變改者也

答曰昨年約以可變者變不可變者不變之意已有所陳矣今忽以永好與否為辭還切訝惑也

彼曰俄者之說前者阻隔事也非道今日永好與不好之辭也
答曰吾亦知之也

彼曰昨年黑田則只定條約大體也理事官則只定細節目也
閣下不知乎俺行則只為開港而來也

答曰雖然事係所重盈庭之論舉國之議同一辭矣雖至屢懇
不可以更為稟請諒之也

彼曰阻隔後我政府昨春派使欲以力相為幸得和議而止矣
理事官來時或不無異同今又葛藤則我政府必悔其當初以

力不為也

答曰雖有詳稟不過如是我只以輕重言之公何為答西而恐動我耶

彼曰貴我人民同為一體之意詳稟而不許耶不為稟而然耶通商事輕乎若如此言所重地不可為貿易通商之謂歟

答曰貴不知我國規我不知貴國規彼此實難通情甚宛彼曰貴國規模陵寢所奉地不為通商可知舊法攸在而事到如此其或無變改規模之道耶

答曰假使我欲設港於貴國陵山所在地貴國必有未安底心易地皆然何如是強迫耶

彼曰親切自親切此事自貴政府質定之事強迫之說不審

何謂也俺豈有強迫之理哉俺之來既是公使則以事面言之豈敢強迫也苟如此言非徒俺一身自有兩朝廷耻議也

荅曰公使奉命之官我亦奉命之官各有可強之端可迫之說此等說話有何介意而如是屢言耶

彼曰強迫之說已知不然而通商豈非大事乎重地之開港生弊云者不覺其所以然以釜山言之今當數年以我米救濟人民者多此非所重乎且禦侮外寇亦非所重乎變改規模之意詳細仰稟

荅曰隨事論事說往說來或有堅執強迫之端則不可無相詰亦我俗之恒茶餘也若聽以逆耳則何必以此個說為乎

彼曰文川事情日前錄呈者詳稟耶詳稟而一直不許耶勿論

某事不可無輕重難易之端庶可諒會否

答曰我規則雖凡入墳墓子孫众多冠冕不絕則其前後左右相望之地大路也場市也必逶迤移之况仙寢所重之郡乎我規果如是非不許港口之意也然公使之行不定港處則無異虛行於我心甚為悵然我國尊所重果如是吾何更煩彼曰彼此面議閣下槩知俺之裡許也貴政府亦知否又此屢、者欲使知其事端也

答曰備陳于政府而其不許者所重故也

彼曰但知一時難處之事不念來頭之大事何也

答曰終日不決力言止斯更言他端可也

彼曰以貴國之不許文川必有嫁禍於俺邦不幸大矣公則

不覺一直牢拒俺不得不自為身謀第欲做經營須勿後悔也
答曰設有後悔文川不可許也開港於北青則彼此保無事也
日後忘憂者只恃貴國交誼之厚也

彼曰已為通情則防禦外寇隣誼固當而終是我自我彼自我
可乎

答曰和好之後如是芥說真個外待也我則認以貴我相濟何
以出彼我之說乎且派使暇泊兩条當以別書契為之貴但以
開港事務言之我亦以是答之也

彼曰終不破惑也事務諸件不可無派使兩國之間有事則固
當往來從今以後雖有交聘外無派使之約有事則有使更勿
出無益之言今來面議猶如是相持豈可以一書契盡其說乎

又有不信我而裁書探之耶然則俺之芥還前速、派使往還俺當留駐也若別書契抑或有他事而然耶

答曰豈有不信之理也只以交聘外無派使船泊必由通津之意前有別書契而今無回答故心甚訝惑公使之故更欲詳陳書契者也更有何他端哉我國不必派使公亦不必為此留連也

彼曰兩國派使自然煩弊容或無恠於此於彼明陳為弊之端則俺當有除弊之道矣

答曰除弊之事非難也交聘外不為派使第一除弊也

彼曰派使所由重言復言而終不諒燭俺心亦沓、今行携來糧橐不贍且水合可慮使之遄改如何

荅曰當稟達 政府也

彼曰條規第一款已載彼此人民通行無碍之約而今不許街路往來又有門卒之禁闔外面看之滯囚俺們於館中掇笑自今以後撤罷軍卒也

荅曰當稟過而撤罷則不可也日暮而罷

四日乙卯陰○平朝睡起冒感吟藝中滯矢二度廢中裳顏唐彼使花房眠雲診喝○日前入來彼士官三員往現金鷄洞即謁南廟而還館所

五日丙辰晴寒弛○微疴尚未瘳服正氣散一貼

石幡七古詩

一氣磅礴繫衆星無內無外造化靈就中尺土稱邦國此間萬

物各賦形邦國瓜分水浮萍人物割據蚊睫螟開口大笑、何
事笑他蝸角人難親幕天一星地水小秦漢與亡奔風霆蠕、
何物福避秦商山樵源同一塵峨巒破浪道海向電棧送信通
國脉却恨東洋多波瀾早既西洲見玉帛漢郎問津不在津要
問時勢變遷跡奇才有誰能鍊石補填天柱地維隙○此句語
陰譎憑藉締結惡動通慢誠極可痛嚴辭擯責非無霜雪之鋒
嚇鼠口氣不可與呶、而爭不答其韵仍輪示各處
彼海軍十名欲往東廟此非但無前例也路由城內還涉未安
使辦察官防遏不得稟于首揆文代以新奇許往而路由後麓
則必俯瞰長安故使之逶迤于藥峴三營將卒十人領往
花房欲使傳語官診病次出伴接所恐或有日後踵至之慮使

任譯牢拒

日暮海軍三名從去路騎馬而來其餘七名迂登山脊從橫尋路而還其狡詐可見也

六日丁巳晴寒○海軍十名許往金鷄洞通事及禁辟軍押領往來之地或西或東之左之右不得禁止末流之弊將不知如何○申刻中使來到館所花房義質處傳諭

下教曰當此寒節使臣安過一行無故耶花房義質稽首荅曰伏承

下教惶感萬々一行亦為安過此意轉達為望又起伏曰東朝患候近日何如此行中醫藥具備試用仰望中使荅曰聖候今則平復臣民慶祝

七日戊午晴○感崇尚爾方呻吟彼使固請公幹不得已入館所
彼曰日前公幹諸條必有稟議矣未知處分如何

答曰文川不可許之由已為再三悉陳豈有他議哉

彼曰文川所重非不知而開港於此實有兩國利害之所關故
已有書悉口詳庶可諒會而如是拒絕甚訝

答曰所陳非不詳揣事體攸在決不可允議於此地也

彼曰貴國終不念後弊所重如是牢拒兩國共濟之論竟所
難諧勢將兩國各事其事自謀其謀乃已

答曰各事自謀之說何以謂之我國則必以北青貴國則必
以文川脊有難從而事勢所關不是異事固非彼此強迫之事
也

彼出示文川高原德源地圖曰浦如松田然後始可容船而開
港他無可合處故所以屢懇而曾聞浦民所傳則松田卽文川
界云或不無誤傳耶松田屬於高原德源則尤為可幸也詳教
焉

答曰松田果是文川所屬而更加詳探未有不可也

彼曰詳探後更接相議為好也

余曰海軍之課日出門慮弊滋生探求可也

彼曰兩國綏修交好互有駿見則兩情無以慣熟不可不往來
遊覽於茅閑之地使之習熟於見聞此宗敦睦之誼故遊覽等
事行之為可禁之未穩也

答曰條約之所違弊端之所起何不深究哉隣好交誼不在於

遊覽何以此藉口不為探求乎

八日己未陰○海軍輩以遊覽請騎問其所往荅以無定處任意行之云語甚乖當使任譯轉托彼使之禁止則荅曰今日往東廟明日往造紙署云此非海軍自為也彼使之指揮也且聞彼有我國都城內外全圖坊名洞號無不詳知對任譯曰當次第遊覽云寃厥做意不在遊覽專欲彼我混同之計可謂民神雜糅也豈不大可憂者乎願以伴接之力莫可禁斷故馳書稟揅地與各處問善處之道

海軍欲廣遊覽東廟紙署次第往來云禁之不獲可謂萬牛難回不得已抵書彼使以義責之姑使息鬧

申刻武衛別監及中使柳載賢領賜饌出來彼使祇受惶

感云矣

武衛別監奉 標信口傳蓋館門禁閣及白衣人切勿出入之

下教也 祇受奉行

海軍往新寺各營校卒領去彼人對一校問寺後山名荅曰不知問姓名又荅不知彼嫌其侮渠不荅輒有愠言入於別廬自

上命辦察官口傳 下教曰領率差備官李一善施以刊削而自

伴接所查實不荅之將校姓名嚴棍十度汰去查効則武衛所

別武士金基永也武衛所屬不敢擅斷微稟于 閣門仍

下教曰依 傳教肅行遂棍汰金基永移牒于本所

漏罷彼使書來

謹啓今日辱蒙

聖上隆儀斐頒不敢獨領 盛情伏冀光賁得伴饌幸甚無堪殷
念甫候不既

上揆地書

彼使祇受 賜饌自以為荷此

聖上柔遠 寵恩之饋不敢獨自嘗食請速向日禮曹會負而凜
亦具饌同食云修書于四處矣 教以善處之道若何彼其藉
重 賜饌敢此坐屈若以謂不屑而靳徃則彼必有愠此亦葛
藤之一端不如暫會同好 指委各處勸起伏望○揆地所答
亦如是云故即答彼使書

謹復我

聖上賜食遠价 寵旨攸暨 祇受而速我實出於報答 盛意

僕安得不趨先此奉覆○雨穀通宵

九日庚申曉雨兼雪晚晴○午半與前日春會負政府堂上趙
寅熙本曹叅議李在敬偕入館所而禮判稱病不叅彼使請張
樂卽分付掌樂院典樂率樂工以來彼使畧設酒饌以饋罷故
時彼請獨余入房不可聽彼私言稱病拂袂而起○入館所時
服色不可公服故徃復揆地并着天翼預會天翼接見今始初
也

十日辛酉朝陰晚晴溫○尚書一帙葩經一帙遺花房退溪全書
二匣遺石幡此皆彼之所求者也

午時接見彼使曰文川形便間又詳探則松田果是文川屬地
而北接永與南接德源也

彼曰相去各島幾許里乎

答曰松田距文川邑三十里去永興界數十里去德源境數十里

彼曰去元山幾里

答曰陸路七十里水路相望不遠也

彼曰地形可詳而非松田則他無可港處何以稟定于政府

耶

答曰文川所重已陳無餘決不可再論何庸更稟此則斷念可也

彼曰屢陳事案如是見阻誠為悶然俺國初不知文川所重故使俺來議者而斷許如是則當改報我朝議未知何居而將

更為測察則汲水積炭之節不可不暫寄松田如何

答曰汲水積炭何處不可而何必松田為耶

彼曰此冰如開港等事不過測水間暫為之事汲水積炭是船中最緊最急之務則不可隨處為之故先此私論也

答曰此亦遽難決定將稟于政府而答也

彼曰全忠兩道測水向已備言巨文碧波兩處汲水積炭事并為回教也

答曰第當面示而設又測水扶安亦有難施之端此則預諒

彼曰扶安難施之說不可擅從故國後當言之詳也

彼又曰政府及六曹長官請接事何以為之耶

答曰將於答書契傳致日如昨年例為之也

彼曰臨行相接還涉情疎從速相接互相往來則宗為親熟之道也以此裁處焉

答曰此是禮節所關則不可愛通親熟與否不在於相接頻數也

彼曰不然

答曰我亦不然

彼曰遊覽等事非特為遊覽係是親睦之務而貴國之必欲拒絕究說不得也此非閉門請入者乎聖廟東廟造紙署俺欲往覽矣

答曰聖廟則事體所在不可往謁而以東廟造紙署言之亦難聽施也

彼曰然則俺往請于貴政府然後可得許乎

答曰此言則過矣

彼曰此關於兩國情誼親疎之所在則稟議回教也

答曰當有回答而遊覽等事何關於親疎也

海軍十名玩楊花渡日暮而還

花房所謂期欲往謁文廟東廟且觀紙署云者必是遍覽四面之計也力遏舌爭不得而書稟首揆丈

首揆丈答書

今日公幹文川事無異安帖何幸、、此處雖免如以元山更定而言之其將何以答言防之耶若定元山則其大都會處不可許人之處也此謀先言文川後言元山之計耶朝鮮元山之

大都會處之巨物未聞松田矣彼輩料知文川之不許而強言以文川屢言及今納俸也必然元山矣此將何為也汲水積炭何所不可而但願松田者明是元山之有意也汲水積炭於松田力防則我言不立而迫阨之人也汲水積炭非為浮去松田之事也此又防塞甚是不立之言然防之則無妨也觀其動靜而為之而使玄昔運往議於各處隨眾裁處之好矣巨文碧汲汲水積炭事許之好矣扶安預防其能永塞耶此亦問議言之也至若遊覽事花房欲往者日前甚防之故激怒而然也遊覽非不好矣我國之於他國使臣只有清國之使而清使無有遊覽之事而留館三日不出門外重使命重隣國待使臣之道也係是相敬之法也清國不行之事我許於貴國則決非隣國

同一和好之誼也和好者何謂以和好耶兩國互相便好者謂和好之意力言之矣如不得則許覽造紙署東廟則與南廟一體不必更觀欲往觀則南廟頻近往見無妨焉荅至於聖廟法意春秋釋菜外莫可開門而主上展謁則擇日為之故不可以無時開開而聖廟尊崇天下一也無彼我國之異制也公之欲謁何有防塞也五百年守法規之事不可廢改矣此等事曲諒是和好之意力言之如何第之所見即台監之所見也別無異同也

上荅書

下示諸条伏恙而屢度相接彼懇松田者取其歲風向陽水深六十尺可以留礎云且曰元山水淺而不可下礎云矣前後公

幹投示地畝每種松田之便宜不言元山到今松田狼狽之境
泛問其元山里數雖未料彼謀之何如而其意全在松田似不
在元山然彼不指定元山之前我豈先以可否答之乎積炭汲
水之防塞我言不立誠如所教果難永塞當觀其動靜為之而
將使辦察官收議伏計巨文碧波許給炭水謹當依教而遵隨
事清使留館三日不出門外之說既有重言復言彼既知而故
言也 聖廟則春秋釋菜儀節自 上謁聖節次自有規度不
可無時行之之意已有所屢 而彼亦知而故言者也大抵彼
類不可以義理責之甚苑、、紙署既承許徃之教可息暫時
之鬧而又必有鱗次懇苦也東廟請徃意不在此欲遍行城內
街路周察市井閭里之計則勸徃南廟還為無靈事、頭痛處

耳奈何

十一日壬戌晴○感冒尚甫服正氣散一貼

陸軍少佐海津三雄登館後小岡立寫清水館畵形

十二日癸亥晴寒弛○早朝度支吏領來 賜給彼使物種

人蔘五斤○清心元一百丸○雪漢綃五疋○白綿紬十疋○
白綿布十疋○帛皮三令○黃蠟十斤○牘紙五束

政府贈彼人物種

公使○人蔘三斤○清心元三十丸○豹皮三令○真玄三十

疋○白綿紙三十卷○綵花席十張○香卓一百塊○聖學輯

要七冊○洛衆新編五冊○桂苑筆耕四冊

隨貢十二人○各白綿紬二疋○各白細木五疋○各色筆二

十柄○各真玄十丁○各壯紙三束

從者二人小使二人等外二人○各白木綿二疋○各白苧布一疋○各粉周紙五軸

未時彼使請接而言曰三處汲水積炭事貴政府何以為教

耶

答曰碧波巨文果無難處而松田所重自別不為許施也

彼曰汲水積炭有何所妨而今又不許耶此是水火相資而未料拒絕之如此也

答曰果有事勢所獎則水可許汲炭不可許積也

彼曰既不許港且不許暫時積炭案未曉也開港則曰所重而不許可為俺之故報我朝之辭而暫時積炭亦曰不許則俺以

何辭故報乎

荅曰縱非文川永興咸興安邊之地必有積炭之所何必於松田耶此亦難解者也

彼曰積炭果非隨處為之之事也若從他處而得有可合則幸矣若無可合之境則事勢所拘不可不暫寄松田此則可施否
荅曰此亦難從也

彼曰當初不許開港非特所重而然也必欲擯斥我人之意則安有公幹相議之意哉更不必以此酬酢而方有身恙難以定神請罷會席仍日再明當外行諒之也

荅曰公幹酬酢各因事勢則不必見恠於其間而行期定於再明或有介懷而然耶日字甚迫更為擇定也

彼有苦厭之色不欲接話故不得已罷還

罷還後彼有書示曰今十五日斷定介行則四人轎一擔夫四名有屋轎六擔夫二十四名騎馬四匹牽夫四名車子四輛備給為望其餘人則當十七日離介而什物則盡難輸去勢將留置於此館而此又不許則不得已燒燼而去海軍則明日先從楊花津由艇出去云故使差備官屢回挽止終難回意而甚至於中路支供亦不領受云耳

上首揆丈書

今者公幹從當修上而以松田不許積炭事彼謂此與開港有異而又為拒絕者必是擯斥我人之致則不必公幹酬酢也再明治芥云而仍不欲接話卽為稱病大有愠色故但諭以行期

甚迫則答以不必強挽云當場事勢不可張皇說去故姑為出來徐面挽止為計而伏念賜物節次不可今日為之故茲仰達下諒姑退之地若何彼情若是事甚難處專此仰稟

再上書

俄者上書伏想下覽矣公幹茲錄上而彼生怒氣再明芥行云故好言緩頰而罷還矣又以書示曰十五日斷當芥行云至有車馬卜從指數請得之言故使任譯強挽不得恐或有生釁之端也賜給物舉行雖伏承頒賜下教見彼怒氣方張恐有見敗之慮則於心未安故姑止之甚為惶悚伏望以此由微稟未知如何

答首揆文書

俄者對彼時小人以為此非牢拒也若一向牢拒則碧波巨文
何必許之乎云爾則今不可只以此言端解其怒也第當使辦
察官善論事理息鬧伏計而彼素異類似難回意姑未知如何
耳

辦察官欲為解彼之怒入見浦瀨裕曰不許積炭宗非介意之
事而公使之有怒色吾不知其可也浦瀨曰俺之今行無所事
為暫時積炭亦未蒙諾貴國慮或有後弊而然耶俺當納俸
無弊以辨解文字書示辦察官曰積炭非欲日本人守直也招
致浦民計石任置計石還推而已豈有日本人守直之理乎炭
雖露積無妨若自諉浦作广家以庇則其所費亦當備給矣此
是測水間暫時事豈有日本人仍留生弊之慮哉貴國未解

此意不勝悶然辦察官謄此文輪納于各處云○服蔘蘓飲一貼漏後假寐

十三日甲子晚晴○海軍輩宿怒未霽即還般所云給馬領送楊花渡自津頭由木道抵仁川云故今付給艇○午間落後海軍及隨員十人請往造紙署使通事及三營將卒領去日暮而還○彼使抵禮判書三丹及萬國公法一帙星軺指掌一帙要余傳致故即傳于禮判

第一丹

本使之來起算昨年二月既為二十個月不准條規所載十個月後即為條規所載可駐留久暫任時宜者勿論耳但其駐留時間無論官民汎交親睦觀國光察人情以便他日公幹是為公使應之事

則貴 政府亦宜將從前為交誼阻塞之慣例一功革除務開
擴寬裕弘通之法以副修好本意然而邦俗各異慣習為例有
未易遽改移者然以其未易遽改移之故不欲從事改移則不
知其可也本使之來京也曾擬遍過訪諸公燕禮數見執手交
臂相懽以為交好唱首但以未得其便先使隨員時時試散策
要在慣人民視聽以漸移風而貴 政府動輒制之曰人民未
知本使來京之意恠訝失儀所甚恐為又曰都下間行之事未
經條規揭載不可私行我十一月十二日伴接官又致書曰遊
覽本非條規中事貴 政府札論至此本使亦將荅曰不得遊
覽者亦係條規所載乎凡人五性統心外與物交故有交際交
際也者人情而已人情睽離斯無交際使臣本務在敦兩國交

誼故使隨貢時之閑行京地察人情觀風俗者不過亂行使臣
應分之事而貴政府以爲規外不可行之事本使甚惑焉修
好條規一款言革除開擴第二款揭使臣留駐之事附錄第三
款載撤守門設門凡此皆非貴政府與我政府約寬裕交通
遇我人民任自由之美事哉而待在京使臣遇人民之不如者
無其理也想亦非貴政府之意然伴接官向既有此言尋又致
書本使益不能無疑且夫貴政府既以修好條規及附錄普頒
示人民而下民無知未悟故障使臣隨貢應分自由乎卽是在
貴政府當制且防者而顧欲掎制使隨貢行步出遊以及條約
有無恐無此理惟其貴國人不得縱覽及不許行步之地及
時本使隨貢亦理不得行步縱覽苟得縱覽得行步矣則在我

我國人亦無毫有障礙之理况慣覲聽移風俗申交好至親密
者在交際事務專管之人最為應務之急若夫為貴國人防
碍者則本使嚴戒之請莫過慮至阻好誼為是照會敬具○明
治十年十二月代理公使花房義質○禮部判書趙寧夏閣下
貴政府於使臣駐京曾藉有言議今既方開釋惟將他日有
陳述者顧是必不得已之事非本使所敢與知而恐其由是滋
事端無益於兩國故今料為貴國言使臣職務接遇要件並
呈星軺指掌萬國公法二部備參照其定路入京究竟為不可
行事故亦茲知照敬具

第二冊

修好條規在我兩國間固醇正公明未始不據字內通行公法

也以何知其然參照星輶指掌亦足以會其理該書係清國光緒二年北京同文館版行說方今宇內各國遵行通使之例規殊詳其說邦國當有專管外國交際大臣曰與各國使臣會晤商議本係總理大臣分內之事至國君欲將和約聯盟通商交戰等事宣示各國此等文件均由總理大臣繕辦過慶吊等事雖偶有國君自行函隣邦亦例應由總理大臣辦理第一卷第八葉其說外國公使與總理大臣會晤曰總理大臣尋常接見公使有定期除定期外公使若欲會晤必須專人面謁或函請時日方可以無碍該大臣政務為要遇有緊要事件及重任公使亦可隨時前往不得限以常格其說使臣職務古今不同第一卷第十葉昔有遣使他邦專慶吊之禮自常川通使駐京之例開則使臣專

為保持兩國和好護庇本國商民通報關係本國事件是以使
臣職守不必專屬一事矣即是各國現行例規清國所取裁也
在我兩國亦既認使臣職務古今不同矣則往來不可限以交
聘事務又各不可無專管交際事務大臣也修好條規第二款
互約送駐京使臣且指定專管交際大臣加以使臣得與談大
臣親接商議之件可謂於彼三則無復餘蘊矣而貴國今輒
曰使臣不可駐京或又將言未有專管交際大臣問其故不過
言不堪煩不堪費夫兩國使臣互相往來駐留者不為不煩也
不為無費也除煩省費固我兩國所願雖然貴政府今稱曰煩
曰費恐非我所斥言煩與費之宗也繁文褥禮之謂煩藉之耗
焉謂費苟其或不然就禮不得不為費不得辭者而強欲辭之

省之適以茂如兩國金石之約也使臣之往來駐留於兩京固
為重交誼持和好非如昔日交聘事卽還也今兩國修好通商
據宇內通行公法制定條規矣則舊例古格革除殆盡欲各無
往來駐留不可得其既約往來駐留著為例典矣則是在貴
國為於禮不得不為於費不得辭者然則煩不可得而除乎費
不可得而省乎曰否繁文禱禮固可以除也藉之耗焉之冗費
固可以省也何言繁文禱禮曰幣帛也曰鹵簿也贈饋也華飾
也除是數者則煩與費顧亦不足憂之今貴國措其可除可
省者而不問却於不得不為不得辭之例典欲強辭且省其曰
茂如兩國金石之約不亦宜哉以是故我外務卿不敢輕裁覆
書先使宮本大丞再問其如何而貴國猶似有未悟者茲重

命本使辨晰此意敢問嗣後兩國使臣往來薄其幣帛祛其鹵
簿糧倉館舍皆任其自辦不煩贈饋不要華飾簡便取給而猶
且不免煩與費則請與聞其說焉若夫或議及有往來則不可
無其禮幣帛鹵簿禮也贈饋華飾亦禮也禮既不可廢煩與費
莫肯省除矣則我將答而言幣帛者禮之未行者也鹵簿者儀
之抑末者也至贈饋華飾則最其末也兩國果欲以禮款待使
臣則聖上宜時延見也大臣宜互相往來也禮待既如是然
而交誼不密和好不保者宇內各國未曾聞有是事貴政府
亦曰禮耳何必言末儀况拘煩與費蔑如兩國金石之約非萬
之所望也

我使臣往來貴京城將通津一路為限甚不可通津不是貴國

與我邦往來最便之門戶今夫使臣之來涉重溟凌風濤望京城於眉睫而不能一日到達且路次護衛與旅館鋪設不得不累費政府是迂路役民費物而無益於使臣若由仁川南陽地方尋捷路入京案為兩便若夫時際北海艱路艱險或見敵國遮斷則由釜山旱路到京亦須隨便宜凡是等路程皆隨時往來在交誼上出于萬不得已則今假令約通津一路為往來必由之門戶亦無以為也况終不可行之事也

第三冊

利用厚生富國強兵有國者豈可一日忽之也然下手之際有尤難處焉苟徒徵諸冊書膚想函莽以僥倖萬一其不至絀縮國計土苴人命者哉希初我邦之從事新法醫術汽船汽機軍

器製造水陸測量等也皆取諸歐米人所長而未免膚想鹵莽
依樣葫蘆至甚則機關誤發水火暴起或針路迷失一差千里
或劇藥試人瘡痍從之或隊伍失紀人無定志種々弊害紛然
叢起其以為利用厚生者一朝變為剝喪國脉之具富國強兵
徒資激變之用有志者皆以咎政府好自紛更之所致也然而
政府堅持初念未曾為浮議所屈撓以謂此豈物之弊乎不善
學而僥倖萬一之過也我何人也彼何人也彼橫行出沒為其
所欲為我不能為天下之賦於人者豈如是其偏乎哉於是乎
多遣親王及大臣縉紳子弟遊學歐米諸國又准有志者獨力
航往留學歲不下數十人為修切磨積十餘年之久而後守文
用武之具畧既訖其精淪其髓今則無復多需於外矣蓋嘗稽

我日本一千前之古文物器用傳用貴國甚多金銀採掘現以對馬為始即貴國所傳云朝鮮於日本早既開物成務如是不肯獨擅之傳之於其隣為恩惠亦既大豈不欲酬之今我邦於醫術汽器軍需測量等術業幸有一日之長故貴國若要學之則宣力授業非敢所少顧吝乃我邦有報酬之名貴國為禦外侮之資此我政府懇篤之意也小官曾有志於此而不果者數年今幸得親接閱下述此事幸莫甚焉雖然故我園心新得生惑內之雖免膚想鹵莽而乘已從人之謗與外之從令無好自紛更之咎而淫巧蠹政之議起此在我邦十數年前所親聞見貴國亦豈保無有之昔趙武靈王排眾議胡服從戎終以修正強兵雄霸一世蓋制度文物與時沿革彼在葛爾福小

戰國猶且漸熟察機而動况今新方醫術汽艇汽機軍器測量
等貴國古來無曾有之而今始有之非敢眩新改舊且也一人
能之則萬生利用一朝得之則富強可期貴國若果欲施行宜
及高雄狹艦未改決議速精遴少壯敏達縉紳子弟督之任之
各豫課其要講究之目附練熟通事以來就學則我政府為宣
力不必至多要帑費使其達志成業矣若夫航海術在該艦且
教且艦先會運用大意亦可以為進學捷路矣竊聞貴國頃日
有試造汽艇之議甚當然恐是見卯求時夜古人有言指南之
車燭幽之鑑皆於吾身親見故今聊臚列我邦前事以為後事
之鑑所慮貴國之或復蹈我轍蓋責朋友之道為國速決行如
何為是敬具

禮判趙寧夏荅花房書

頃蒙俯速病未赴會又承瓊函兼寄書悵多荷然派使與
艤路伴接官公幹時已有商辦庶可諒會者其他諸条在我
國規例多有鑒柙有未可遽議亦須照亮為謹此謝覆

使掌務官高永嘉往諭彼使曰行期甚忙迫何其倖使臣回
還我國有三節次荅書契傳授也政府招見也上艤宴也
不得不行此禮則不可如是遽故也彼曰伴接官若是挽留將
欲退一日束裝十六日越站金浦直抵通津為計此非為公事
難孤其伴接官厚意云也○夕服香蘅正氣散一貼漏後目額
卧驗病

十四日乙丑陰○彼人遊觀紙署者六頁請往東廂此意稟于首

揆丈而許觀故使差備官韓應參通事一人及三營將卒領往
于南門外失於崎

石幡頁書

匆、歡聚亦將匆、遠別人世何多恨事哉久荷高誼感愧不
可言玉水翁一話遂蒙賜退溪全集古人贈人以言片且將佩
服之暇况開卷則瓊玖萬斛使人疑蒼次何須避瘴癘可以醫
愚矣後世子孫讀之將有曰是乃祖乃父之故人朝鮮國洪小
芸先生所贈而乃祖乃父千里親齎故也則使百世之後憶當
時交誼不問海內外相愛相親皆出于兩國朝廷懇寫盛意也
別幅二種非敢為酬客土之物暫以呈左右辨妄一券僕先師
安并翁所著聊又呈覽翁學問淵博著書浩漭為清國應寶時

成林等所推尊此卷固其緒餘耳偶見一行中賁來者今三部
為贈前修信使金倉山公及從事安珽山君嘗知翁者故欲各
將一本贈之但山河官邈無由遠人遽致之為作書敢煩貴下
轉致翁著書既刻者有左傳輯疏論語集註管子纂詁等皆行
於世他日將有備覽矣桃源行拙和一什未見賡荅顧必以事
之殷不念及此也敘別將在近此中尤耿耿不知所欲言語無
倫次勿深咎不盡

午後花房出來診病饋茶款待溫辭酬酢之際自青門守直廳
馳報曰彼人謁東廟者三人徑入興仁門異服之人不可遽然
受納先此拒門云蓋城門譏訶古法也國禁也門卒牢拒職固
當然余謂花房曰貴隨負何不遵去路而還迂路至都門致此

犯我 國禁是何道理斯速招來存其事體可也花房荅曰俺們往東廟門卒亦聞之豈以異服之駭眼牢拒不納哉此非和好之誼也余正辭氣責曰遊隨本非条規中事和好亦不在遊覽與否貴使每以和好二字以為藉口動輒生弊此亦和好本意耶彼曰貴 國亦不出入此門耶貴 國法人定後閉門而未及時而見俺們閉門其外待可見烏在其和好也余曰異國之人不許無時出入我 國禁如是也日暮苦爭花房仍為入去使傳語官強請開門納其彼們余亦一直責之諭之掉頭不聽儀舌無奈夜已半矣

花房抵禮判書

逕啓者本使隨貢本日謁于東廟故路徑興仁門、吏遽鎖門

成林等所推尊此卷固其緒餘耳偶見一行中賁來者今三部
為贈前修信使金倉山公及從事安珽山君嘗知翁者故欲各
將一本贈之但山河宵邈無由遠人遽致之為作書敢煩貴下
轉致翁著書既刻者有左傳輯疏論語集註管子纂詁等皆行
於世他日將有備覽矣桃源行拙和一什未見賡荅願必以事
之殷不念及此也敍別將在近此中尤耿耿不知所欲言語無
倫次勿深咎不盡

午後花房出來診病饋茶款待溫辭酬酢之際自青門守直廳
馳報曰彼人謁東廟者三人徑入興仁門異服之人不可遽然
受納先此拒門云蓋城門譏詞古法也國禁也門卒牢拒賊固
當然余謂花房曰貴隨負何不遵去路而還迂路至都門致此

犯我國禁是何道理斯速招來存其事體可也花房荅曰俺們往東廟門卒亦聞之豈以異服之駿眼窄拒不納哉此非和好之誼也余正辭氣責曰遊隨本非条規中事和好亦不在遊覽與否貴使每以和好二字以為藉口動輒生弊此亦和好本意耶彼曰貴國亦不出入此門耶貴國法人定後閉門而未及時而見俺們閉門其外待可見烏在其和好也余曰異國之人不許無時出入我國禁如是也日暮苦爭花房仍為入去使傳語官強請開門納其彼們余亦一直責之諭之掉頭不聽儀舌無奈夜已半矣

花房抵禮判書

逕啓者本使隨貢本日謁于東廟故路徑興仁門、吏遽鎖門

靡不得通過日夕報到驚愕曷禁請速下嚴令俾隨真通過無碍並譴門吏無狀以為善後之地為之佈照諒會敬具

少頃花房又傳語曰雖經過幾日期於入其門而還云此是嘗試而葛藤之計也萬端責諭一樣頑拒不勝痛惋徃復頻煩雞已亂嘶○遣將卒及捕校于青門外申飭率去任譯使之善護經夜

禮判荅花房書

承書多荷貴隨負之還不由徃路甚訝苑都門自有契邦法禁似因此而或致紛紜也當有伴接官會辦照亮如何謹此肅回十五日丙寅朝晴晚陰○平朝聞青門消息則閉門拒彼之由入廉自 廟堂分付開門許入彼人故遣護行將卒及所騎領還

館所

未時入見彼使花房則彼曰如是光顧有何所教耶

答曰日前公幹松田積炭之不許者所重之地慮有生弊而然也須勿見怪

彼曰此不過測水間積炭於輸運便宜之地而及時需用者也
碧波巨文既許積炭則出納守直之節任於其境吏民而不必
日本人為之測水畢後即當撤罷至於松田則或曰未及擇定
他處不得已積炭則亦當如是矣此非煩弊也故所以仰請者
也

答曰此亦難重而測水日子計為幾許

彼曰臨時遲速不可預料而假量一年之間則綽有餘矣

答曰何其久也

彼曰或有值風狼狽如今行或有般具意外受傷不能無這間差退之慮則一年假量良有以也

答曰碧波巨文既以許施則此限內遲速間不必深較至於松田則亦不可以此限私論處也

彼曰限則如是而若限內擇定他地則當為移去且測水速緩則仍當撤罷以此詳稟 政府則似必無靳施也

答曰今日公幹將有仰稟又未知處分如何而一年之限甚不穩當

彼曰幸或有許施之意則何靳此限乎書示諸條曰以此轉稟政府焉

答曰稟過後明早回示也仍曰開港處測水指點後又不必派
使只以書契往復可以除弊於兩國以此啟議於貴朝可也
彼曰當備書啟報而朝議所在未可預揣也

答曰此事另圖為可且以別書契兩件事言之貴使之論說非
不詳悉然我國事勢則不可無更有書契貴使啟朝悉以此
行之所聞所見力言事勢以為兩國除弊之地至可、、

彼曰啟朝當悉陳而其宗效有無未敢質言

松田積炭終不許故彼使苦懇暫時許施遂乃臚列諸條以不
貽弊端之意成手錄納于 政府

一修好条規第五款所揭二處港口須測量搜索而後指定地
名

一日本國政府為是事自

日本曆明治十一年四月朝曆三月

十二個月間

貯藏石炭於朝鮮國全羅道珍島之碧波亭巨文島

一咸鏡道測水時積炭處所當先為擇定而若或未及擇定則不得已限十二個月積炭於文川地松田村而雖限內探得良地則當移之於探得之地

一其為貯藏之間若要廠舍則朝鮮地方官為宣力構造之所費金額則日本政府隨即償之

一貯貯藏石炭村民或邑吏防散亂守直則不必日本人為之本邑吏民間自地方官擇定

一朝鮮國政府預飭令該地方有日本測量船要運搬落載石炭於其船則使之雇賃或村民或艇隻無或防碍

一雇賃錢兩日本船長每次於其地給付之

申刻 賜給物種見物名戶曹正郎柳承根領入館所 頒給彼

使花房義賢、敬謹 祇受致謝有別償給 曹未及進排 故姑俟之

政府贈給物種見物名分傳于彼使及隨員從者等並十六人

昨年 賜給之時只令度支吏領物傳給儀節疏畧恐非敬

君賜之物也今番特請本曹即官領入給傳以存事體

十六日丁卯晴寒○禮曹接彼使宴饗時三堂上當為同叅而叅

議金永哲稱病懸不進其代前叅議李在敬更為之

禮曹答書契

謹茲照回者貴國派外務大丞花房氏代理公使委到本邦我
政府以本曹叅判洪祐昌為伴接官會同館中修和好元係商

酌雖有委決未盡要使兩便可行想在貴公使悉陳貴公使通
敏精詳幹當復路滋見敦誼益鞏可保永久無替也順祈貴國
崇休台候增祉不宣

午刻與彼使花房義質傳語官浦瀨裕及隨員四人詣議政府
領議政李最應右議政金炳國座定有司堂上趙寅熙來會肆

筵設席行醺禮張樂饋三味

政府問答

領議政右議政接彼使問曰館舍甚陋日候倅寒其間連為安
過隨員諸人亦為無恙耶

彼使對曰幸賴貴國之厚眷居接甚穩一行無故莫非貴
國賜也

相公曰契邦接待之節公之期欲省契寔由厚誼在我之道不免疏畧極為慊然

彼使曰凡百省契敢已屢請而接應之節若是款曲不勝感荷萬、

相公曰開港事契邦所重之地不可私議公既詳悉而竟為止之其在和好之誼兩國生光大矣深感、

彼使曰貴國所重之攸在果已詳悉而故鄒國亦當備陳矣相公曰今日相接不可無杯盤故畧設菲薄望須下箸也

彼使曰盛意多感、

彼使又曰聞此音樂至再至三愈聞愈好可見禮接之誼如聞此樂愈往愈厚也

相公曰音樂本是好音禮接亦是好誼

彼使曰厚蒙款待遠難起身日勢已暮請敢告退

相公曰暫晤旋別故期且隔甚庸悵然萬里駕海益加保重
彼使曰鄙們還故之由善達于

九重伏望伏望 僉大人連享祿重至祝至祝

齠齔罷後仍與彼使詣禮曹六曹長官齊會吏判金炳德兵判

閔謙鎬有案故不進戶判閔致庠禮判趙寧夏刑判李寅命工

判金輔鉉本曹叅議李在敬座定設宴席傳回荅書契書契見上彼

使起身謹受仍張樂進杯盤玩賞之人雜還喧闐填門盈庭禁

辟莫可儀節不得行彼人所覩極為駭然只自慨歎盃酌旅酬

草率而畢彼使起出余乃排却紛拏擁其行即還館所

日暮更入館所對花房義質相為填圖署于手錄新條約

見手錄上

而一本則填彼使姓名圖納于政府一本則填伴接官姓名

圖授彼使而即出伴接所鍾後彼使奉獻進上物種又有各處物種

進獻物種

史封付籤各書上字

輿地誌畧一部○地求儀一個○金銀花幣一具○蔣繪松寫破蓋一組○蔣繪梅形提重一組○白砂糖二塊○久良酒三瓶○糖漬果宗五個○華卓瓊三枚○綵繡圓扇三握○象牙扇三握○錦采陶花瓶一個○紫丹香一瓶○錦采陶花香炉一個○梨子地四層匣一

各處物種

史封付籤各書宅号

雲峴宮○地求儀一個○山陽遺稿一部○近世名家文集一

部○蔣繪松葉度蓋一組○華紋綸子三端

領議政○華紋綸子四端○奉書紬三疋○縹土二連○蔣繪

倉籠一組○五山堂詩話一部

右議政○華紋綸子二端○縹土二連○蔣繪四層匣一○海

氣繒二疋○梅墩集一部

禮曹判書○萬國圖一枚○椅子三部○奉書紬三疋○羅氊

一券○蔣繪五層匣一

禮曹叅判○羅氊一券○燭台附蠟師十包一對○梨花地廣蓋一

枚○椅子三部○縹土五枚

禮曹叅議○羅氊一券○海氣繒二疋○縹土二枚○蔣繪手

箱一個○美濃紙一束

政府堂上○羅襪一卷○縑土二連○烟巾帶五個○烟草一

匣○星巖集一部

并受置于伴接所

少頃彼使出伴所告别仍饋夕餼此是度支所供也○漏後就

宿

十七日戊辰晴寒○寅初使書吏輩領奉進上物種及各處所

呈物并輸納于閣內

彼使花房義質發行與之送別仍以發送彼使之由入

啓卽為還家已平朝矣

上首捺文書

伴接官餞別彼使而落後還家卽昨年例也今番亦依例為之

而彼人六名尚留館治裝其供饋之節不可無之把守之節不可無飭而無將之卒易涉鮮弛慮有紛雜之弊特為別定勤幹人使之統率隨事另察甚好故茲仰稟下諒處之若何

辰刻辦察官馳報曰車卜數爻以預備次請錄於住永則住永曰公使臨行時教以汁物留置館所而若不受則拋棄而來云要余書托于彼使行中故即作書馳塘馬于花房行所

悵別如失懷不能定今聞貴行留後輜重今方計數而預備車輛卜從於貴隨負治芥日盡為輸送于程所矣住永言內公使臨芥時令付以汁物則留置館所而若不受則拋棄而來云此無乃住永誤聞而誤傳耶向日公幹時或有此等說話而僕以謂貴下有暫時不平之心然也僕亦不為深信矣厥後公幹

更無此說而政府禮曹相對又無此說昨夕稔討亦無此說僕
認以前日介意如冰消凍釋保全好誼而今朝相別只好意而
已住永忽出此說抑或貴下未及指揮而然耶僕與貴下相接
乃不易得之會而致有輜重不盡輸之私則此貴下前日介懷
竟未解也以貴下之弘量必不阨塞於僕則千萬思揣窮究不
得茲走趾委煩望須即刻書托於住永處沒數領去以完相接
相別厚情如何、、統希恕亮不宣

上首揆丈書

餞別彼使而纔還家卽見辦察官所報則以照檢彼人輜重輸
送次備數車輛而住永以謂公使亦時教以什物任置於館所
而若不受則拋棄而來云、故以指揮留館者領去之意今方

致書于彼使走送塘馬然其聽否亦難預料而究厥所為則專為更來之計也事到此境亦不可臆為輸送不如安而受之以觀動靜伏未知何如

十八日巳巳晴寒○花房荅書自其行中來

承貴飛書內謂托物件事貴下未曾聞知是則然而本使非不欲言之惟以事小不足煩貴下耳抑今番本使之來不久留固既詳述但今後不得兩國間屢不有星使往來則每次運輸物計不堪煩且費故留置之以省其煩費本使預不詳述終使貴下煩勞者死罪曷禁請諒會謹覆○明治十年十二月廿二日
花房義賢

辦察官所告

這間事狀錄白下燭若何物卜姑留空庭惟伏俟指揮處分而
花房書札回公伏計耳不備達

彼人汁物不可留置之意屢加曉諭責以公使之初不吝口委
之於落後人使之留置者既是意外落後人不顧事面若請留
置者亦是意外百爾思之究說不得雖千思萬托其在事體不
可捧受車子已為準備物卜盡為輸去也

彼曰貴朝廷終無許施則辦察官特為受置也

荅曰公使既無所請則此非朝廷洞師之事辦察官亦未承

朝令則焉敢私自受置乎

彼曰以事體論之則無辭可荅然俺等事勢未見許施則不得不
拋置而去矣勿為深責善為措處也

答曰雖至拋豎之境事理所在不可自我許施誰可守護耶

彼曰拋豎之後雖至闕失有何怨尤乎惟望恕諒云々

十九日庚午晴寒○辦察所報以為護送差備官李熙聞馳報內

昨曰天晴時傳給別賞給賜物種物名與數於花房義質

行中處所

辰時彼人五名車十五輛介出通洋厨房汁物櫛子六坐○包
裏二塊○椅子二十坐○人力車一坐並拋豎而去云



